

Swydd-ddisgrifiad Staff Cymorth

Teulu swyddi:	Cyfathrebu
Band cyflog:	Band 2
Ystod cyflog: (pro-rata)	£33,233 - £42,727 Disgwylir i bob aelod newydd o staff ddechrau ar raddfa isaf y band priodol. Bydd staff unigol, yn amodol ar berfformiad boddhaol, yn symud i fyny'r raddfa bob blwyddyn ar y dyddiad y gwnaethant ddechrau yn eu swydd nes eu bod yn cyrraedd yr uchafswm graddfa ar gyfer eu band.

Teitl y swydd:	Cydlynnydd y Cyfryngau Cymdeithasol
Cyfeirnod:	MBS-159-26
Swyddfa:	Zaynub Akbar MS, Caerdydd Ffynnon Taf
Oriau gwaith:	22.2 awr yr wythnos Bydd angen gweithio rhywfaint gyda'r nos ac ar benwythnosau. Efallai y bydd gofyn i ddeiliad y rôl weithio y tu allan i'w oriau gwaith arferol.
Natur y penodiad:	Cyfnod penodol am 6 mis Fel Aelod o'r Senedd, rwyf yn dal swydd fel cynrychiolydd etholedig. Pan fydd fy nghyfnod fel Aelod o'r Senedd yn dod i ben, bydd y swydd hon yn dod i ben.
Lleoliad:	Senedd a Swyddfa'r Etholaeth Efallai y bydd gofyn i ddeiliad y rôl ymweld ag amrywiaeth o leoliadau ar draws fy etholaeth, gan gynnwys lleoliadau gwledig, lle nad yw trafnidiaeth gyhoeddus ar gael, o bosibl.

Gwybodaeth ychwanegol:
Rwy'n gyflogwr cyfle cyfartal ac yn croesawu ceisiadau gan unrhyw ymgeisydd addas, gan gynnwys pobl â'r nodweddion gwarchodedig a ganlyn: hil, rhywedd, anabledd, crefydd/cred, cyfeiriadedd rhywiol, hunaniaeth o ran rhywedd, priodas/partneriaeth sifil, beichiogrwydd/mamolaeth neu oedran.
Sylwer, bydd y penodiad yn amodol ar eirdaon a gwiriad diogelwch.

Ynglŷn â'r rôl

Cyfathrebu

Mae deiliaid swyddi cyfathrebu yn gyfrifol am brosesau creadigol, cysylltiadau cyhoeddus, datganiadau i'r cyfryngau, cyfathrebu a chynhyrchu cyfryngau, cyhoeddiadau printiedig ac electronig, dylunio / rheoli cynnwys gwefannau, a'r cyfryngau cymdeithasol. Mae'r swyddogaeth Gyfathrebu hefyd yn cynnwys cefnogi, cydgysylltu, llunio a rheoli cyfathrebiadau ysgrifenedig, gweledol a digidol. Gall y rolau hyn hefyd gynnwys rheoli a chydgyssylltu digwyddiadau ymgynghori ac ymgysylltu, yn unol â'r fframweithiau sy'n llywodraethu gweithgarwch yr Aelodau.

Mae'r prif nodweddion fel a ganlyn:

- Cynhyrchu syniadau, ymchwilio, creu, ysgrifennu a chyflwyno amrywiaeth o ddeunyddiau cyfathrebu.
- Creu, cefnogi a rheoli ymgyrchoedd ar gyfer rhanddeiliaid mewnol ac allanol.
- Darparu cyngor technegol a chyfeiriad i'r Aelodau a staff eraill mewn perthynas â dewis a defnyddio amrywiol gyfryngau cyfathrebu.
- Strategaethau cyfathrebu rhagweithiol ac adweithiol.
- Datblygu a gweithredu prosiectau gydag asiantaethau amrywiol, gan gynnwys y sector cyhoeddus, y sector preifat a'r sector gwirfoddol.
- Meithrin a chynnal perthynas â rhanddeiliaid.

Diben y swydd

Bydd **Swyddog Cyfathrebu Band 2** sy'n gweithio i Aelod o'r Senedd yn gwneud gwaith ymchwil, y wasg a'r cyfryngau yn ôl yr angen, gan sicrhau bod negeseuon allweddol yn cael eu lledaenu i bobl drwy'r cyfrwng mwyaf priodol.

Manyleb y person

Sgiliau ac ymddygiadau

- Hyfedr yn y defnydd o feddalwedd golygu fideo a lluniau (ee Adobe Premiere Pro, Final Cut Pro, CapCut) ac offer dylunio graffeg (ee Adobe Photoshop, Canva).
- Gallu sgriptio, ffilmio a golygu cynnwys fideo ffurf fer i safon uchel o fewn amserlenni tyn.
- Sgiliau cyfathrebu llafar ac ysgrifenedig aeddfed, gyda'r gallu i addasu goslef ac arddull ar draws gwahanol lwyfannau a chynulleidfaoedd.
- Dealltwriaeth o'r angen i frwydro yn erbyn gwahaniaethu ac i hyrwyddo cyfle cyfartal ac Egwyddorion Nolan ar gyfer Bywyd Cyhoeddus, ac ymrwymiad i'r materion hyn.
- Bydd disgwyl iddynt gynllunio a rheoli eu llwyth gwaith eu hunain o fewn cyfyngiadau arferion a gweithdrefnau sefydledig.
- Gallu gweithio ar y cyd fel rhan o dîm bach.

Gwybodaeth a phrofiad

- Profiad amlwg o gynhyrchu cynnwys ar gyfer y cyfryngau cymdeithasol, gan gynnwys fideo ffurf fer, ar draws ystod o lwyfannau fel Instagram, TikTok, Facebook, X/Twitter, YouTube ac ati.
- Profiad o sgriptio, ffilmio a golygu cynnwys fideo gwreiddiol, a chynhyrchu graffeg i'w ddefnyddio ar draws sianeli digidol.
- Ymwybyddiaeth wleidyddol a dealltwriaeth o'r sensitifrwydd sy'n gysylltiedig â chynhyrchu cynnwys ar ran Aelod etholedig.
- Dealltwriaeth dda o'r gyfraith a'r fframweithiau rheoleiddio y mae'r Aelodau a'r Grwpiau yn gweithredu o'u mewn, gan gynnwys fframweithiau'r Senedd (safonau ymddygiad, gwariant ac ati) a dyletswyddau cyfreithiol ehangach, neu barodrwydd i ddatblygu'r ddealltwriaeth hon yn gyflym.

Meini prawf dymunol

- Dealltwriaeth o faterion cyfoes a phynciau sy'n berthnasol i Gymru a'r ardal leol, a diddordeb yn system wleidyddol Cymru.

• Yn arddel amcanion a gwerthoedd y blaid. • Trwydded yrru lawn, gyfredol y DU, ynghyd â mynediad at gerbyd sydd wedi'i yswirio at ddibenion gwaith.
Cymwysterau
• Y gallu i ddangos gwybodaeth neu brofiad o ystod o weithdrefnau gwaith yn seiliedig ar brofiad gwaith perthnasol a/neu gymhwyster galwedigaethol – e.e. NVQ lefel 3 neu 4 neu gymhwyster cyfatebol mewn pwnc perthnasol (e.e cynhyrchu cyfryngau, ffilm, newyddiaduraeth, marchnata). • Tystiolaeth o sgiliau rhifedd a llythrennedd e.e. TGAU Saesneg / Cymraeg a Mathemateg (neu gymwysterau cyfatebol) Gradd C neu uwch, neu brofiad arall addas.
Sgiliau iaith
• Mae sgiliau Cymraeg yn hanfodol ar gyfer y swydd hon, ac fe'u haseswyd fel a ganlyn: - o Gwranddo: Uwch - o Siarad: Uwch - o Darllen: Canolradd - o Ysgrifennu: Canolradd • Caiff y sgiliau hyn eu hasesu fel rhan o'r broses ddethol.

Gwybodaeth ychwanegol am lefelau sgiliau iaith					
	Cyfateb yn fras i	Gwranddo	Siarad	Darllen	Ysgrifennu
Canolradd	Canolradd	Yn deall y rhan fwyaf o sgysiau a chyfarwyddiadau yn weddol hyderus.	Yn gallu cynnal sgwrs estynedig gyda siaradwr rhugl yn weddol hyderus.	Yn deall y rhan fwyaf o destun yn weddol hyderus.	Yn gallu ysgrifennu testun, gan gynnwys gohebiaeth sylfaenol, yn weddol hyderus.
Uwch	Uwch neu Wedi cael addysg Gymraeg neu'n	Yn deall sgysiau a chyfarwyddiadau yn hyderus.	Yn gallu siarad a chymryd rhan mewn trafodaeth am gyfnod hir yn hyderus ac yn	Yn deall amrywiaeth helaeth o destun yn hyderus.	Yn gallu ysgrifennu amrywiaeth helaeth o destun yn

	defnyddio'r Gymraeg yn rheolaidd Tystysgrif Sgiliau Iaith		gallu ateb unrhyw gwestiwn.		hyderus.
--	---	--	-----------------------------------	--	----------

Prif ddyletswyddau

Cynhyrchu cynnwys digidol

- Sgriptio, ffilmio a golygu cynnwys fideo ffurf fer ar gyfer llwyfannau cyfryngau cymdeithasol gan gynnwys Instagram, TikTok a Facebook.
- Cynhyrchu graffeg ac asedau gweledol eraill i'w defnyddio ar draws sianeli cyfryngau digidol a chymdeithasol.
- Cynllunio a rheoli'r gwaith o bostio ac amserlennu cynnwys o ddydd i ddydd ar draws llwyfannau cyfryngau cymdeithasol.
- Monitro data dadansoddeg a data ymgysylltu i fireinio cynnwys a llywio'r gwaith cynhyrchu yn y dyfodol.
- Sicrhau bod yr holl gynnwys yn cydymffurfio â Chanllawiau Cyfathrebu Plaid Cymru ar gyfer y Seithfed Senedd, gan gynnwys gofynion argraffnodi dwyieithog.

Cymorth cyfathrebu a'r cyfryngau

- Cefnogi'r swyddogaeth gyfathrebu ehangach gyda chynnwys gweledol a fideo ar gyfer defnydd yn y wasg a'r cyfryngau lle bo angen.
- Rheoli goslef llais ar gyfer cynnwys cyfryngau digidol a chymdeithasol, yn unol â chanllawiau'r swyddfa.

Ymgysylltu â'r cyhoedd a rheoli rhanddeiliaid

- Ffilmio a chynhyrchu cynnwys mewn digwyddiadau, cymorthfeydd ac ymweliadau etholaethol.
- Helpu i gynhyrchu cylchlythyrau a chynnwys gwefan gydag asedau gweledol a fideo.
- Sicrhau cysondeb mewn hunaniaeth weledol a negeseuon ar draws pob llwyfan.

Rhwymedigaethau yn y gweithle

Diogelu data / diogelwch gwybodaeth:

- Cefnogi a chynghori'r Aelod i gydymffurfio â'i rwymedigaethau sy'n ymwneud â diogelu data a diogelwch gwybodaeth, yn unol â deddfwriaeth a chodau ymarfer perthnasol.

Iechyd, diogelwch a llesiant:

- Cefnogi a chynghori'r Aelod i gydymffurfio â'i rwymedigaethau sy'n ymwneud ag iechyd, diogelwch a llesiant, yn unol â deddfwriaeth a chodau ymarfer perthnasol.

Diogelu:

- Cefnogi a chynghori'r Aelod i gydymffurfio â'i rwymedigaethau sy'n ymwneud â diogelu plant ac oedolion sy'n agored i niwed, yn unol â deddfwriaeth a chodau ymarfer perthnasol.

Arall

- Gweithredu o fewn y gyfraith a'r fframweithiau rheoleiddio y mae'r Aelodau a'r Grwpiau'n gweithredu o'u mewn, gan gynnwys fframweithiau'r Senedd (safonau ymddygiad, gwariant ac ati) a fframweithiau ehangach a chyffredinol (dyletswyddau cyfreithiol).
- Cyflawni dyletswyddau eraill sy'n gymesur â'r band hwn, yn ôl yr angen, i gefnogi'r Aelod.